


Bosna i Hercegovina
Federacija Bosne i Hercegovine
KANTON SARAJEVO – OPĆINA HADŽIĆI
- Općinsko vijeće -



K O D E K S

**PONAŠANJA IZABRANIH PREDSTAVNIKA – VIJEĆNIKA
U OPĆINSKOM VIJEĆU HADŽIĆI**

Hadžići, 216.02.2009. godine

UVODNE NAPOMENE

Općinsko vijeće Hadžići, na sjednici održanoj 26.02.2009. godine usvojilo je Kodeks ponašanja izabраних predstavnika – vijećnika u Općinskom vijeću Hadžići.

Sadržaj Kodeksa je prilagođen osnovnim načelima Evropskog Kodeksa ponašanja lokalnih i regionalnih izabраних predstavnika, kojeg je predložio Kongres lokalnih i regionalnih vlasti Vijeća Evrope, kao osnov političkog integriteta izabраних lokalnih i regionalnih predstavnika.

Kodeksom su utvrđeni osnovni pravci ponašanja općinskiх predstavnika – vijećnika u Općinskom vijeću Hadžići i isti pruža okvire i standarde u njihovom javnom djelovanju.

Kako bi se osigurala efikasna primjena etičkog kodeksa, Općinsko vijeće Hadžići će donijeti Odluku o formiranju Komisije za Kodeks.

U cilju dalje razrade mehanizma primjene Kodeksa ponašanja izabраних predstavnika – vijećnika, Komisija će izraditi Poslovník o radu Komisije za nadziranje primjene Kodeksa ponašanja izabраних predstavnika – vijećnika, kojeg će usvojiti Općinsko vijeće Hadžići.

Komisija će utvrditi obrazac za prijave i akcijski plan implementacije Kodeksa ponašanja izabраних predstavnika – vijećnika.

Cilj ove publikacije je da se javnost upozna sa sadržajem Kodeksa i Poslovníka o radu Komisije za nadziranje primjene Kodeksa, o tome kakvo ponašanje treba da očekuje od izabраних predstavnika-vijećnika. Kodeks predviđa da bilo koji član javnosti ima pravo da podnese prijavu povrede Kodeksa i da očekuje da će se po toj prijavi provesti odgovarajući postupak, a u slučaju kršenja normi Kodeksa da će uslijediti predviđena mjera.

Očekujemo da će ova publikacija među građanima općine Hadžići doprinijeti punoj afirmaciji Kodeksa, građani mogu izvršiti uvid u etički kodeks na web stranici Općine Hadžići: www.hadzici.ba i e-mail: ohadzici@bih.net.ba.

Na osnovu člana 32. Statuta Općine Hadžići – prečišćeni tekst (“Službene novine Kantona Sarajevo”, broj: 29/05), a u skladu sa Poslovníkom Općinskog vijeća Hadžići – prečišćeni tekst („Službene novine Kantona Sarajevo”, broj: 29/05), vijećnici Općinskog vijeća Hadžići, na 5. sjednici održanoj 26.02.2009. godine, usvojili su

K O D E K S

PONAŠANJA IZABRANIH PREDSTAVNIKA – VIJEĆNIKA

U OPĆINSKOM VIJEĆU HADŽIĆI

1. U V O D

Član 1.

1. Vijećnici Općinskog vijeća Hadžići kao neposredno izabrani predstavnici svih građana u Općini Hadžići uzajamno se obavezuju na poštovanje ovog Kodeksa, a sve u cilju jačanja povjerenja javnosti, ličnog i političkog integriteta i autoriteta koji pripada Općinskom vijeću i općini Hadžići i njima kao njegovom sastavnom dijelu.
2. Ovim Kodeksom izabrani predstavnici – vijećnici u Općinskom vijeću Hadžići žele da promovišu etičke principe i standarde svog ponašanja, kojih će se pridržavati kako bi u domenu svog djelovanja mandat ostvarili u najboljem interesu svih građana u općini.

2. PODRUČJE PRIMJENE

Član 2.

1. Ovaj Kodeks se odnosi na vijećnike u Općinskom vijeću Hadžići, kao izabrane predstavnike građana, na neposrednim i tajnim izborima.
2. Principi ponašanja ustanovljeni ovim Kodeksom će se primjenjivati i u izbornoj kampanji.

3. PRINCIPI PONAŠANJA

Član 3.

Usvajanjem ovog Kodeksa izabrani predstavnici – vijećnici preuzimaju obavezu da će, u cilju obavljanja svojih dužnosti u Općinskom vijeću Hadžići i prema javnosti u cjelini, pridržavati se principa prioriteta zakona i općeg interesa, integriteta, otvorenosti, poštenja i odgovornosti, izbjegavanja sukoba interesa, pravilnog upravljanja resursima, uzajamnog poštovanja i uvažavanja, nesebičnosti, zabrane mita i korupcije.

3.1. Prioritet zakona i općeg interesa

Član 4.

1. U svom cjelokupnom djelovanju izabrani predstavnici – vijećnici uvijek će poštovati prioritet zakona i općeg interesa i svoje aktivnosti će usmjeriti i djelovati u ostvarivanju javnog interesa.
2. Izabrani predstavnici – vijećnici će u svom djelovanju uvijek imati na umu da su izabrani predstavnici svih građana u općini Hadžići, a ne nekog njihovog dijela.

3. U svom djelovanju uvijek će se truditi da svoje odluke i akcije podešavaju isključivo u okviru propisa i po procedurama koje su predviđene propisima.
4. Nijednu svoju odluku neće donijeti niti će glasati, niti prećutati da javno iznesu svoj stav ukoliko im je poznato da određeni akt koji treba da se donese nije u skladu sa propisima ili da nije poštovana procedura njegovog donošenja.

3.2. Integritet

Član 5.

U svom djelovanju izabrani predstavnici – vijećnici će, prema svojim znanjima i sposobnostima, uvijek samostalno donositi svoje odluke za koje su odgovorni, uvijek imajući u vidu najbolji interes svih građana i neće preuzimati finansijske ili druge obaveze prema pojedincima i organizacijama koje bi za uzvrat tražile da vrše uticaj na njih u obavljanju njihovih javnih funkcija.

3.3. Nesebičnost

Član 6.

Poštujući pravilo da mandat pripada izabranom predstavniku – vijećniku a ne političkoj stranci sa čije liste je izabran, izabrani predstavnici – vijećnici će postupati u skladu sa opštim interesom koji isključuje rad za finansijsku dobit ili bilo koju drugu direktnu ili indirektnu korist za sebe ili lica iz svog privatnog okruženja.

3.4. Zabrana mita i korupcije

Član 7.

Izabrani predstavnici – vijećnici ni u kom slučaju neće u obavljanju svojih funkcija primati ili davati neku naknadu, obećavati nagradu ili kakvu drugu korist ili na bilo koji drugi način se ponašati što se može okarakterisati kao aktivno ili pasivno podmićivanje po važećem zakonodavstvu, a u vezi sa podržavanjem ili nepodržavanjem određenog prijedloga akta, a naročito ako su ti stavovi suprotni Ustavu, zakonima, Statutu općine i drugim propisima.

3.5. Otvorenost i odnosi sa medijima

Član 8.

1. Izabrani predstavnici – vijećnici će u svom djelovanju i u vezi sa svojim odlukama koje donose uvijek biti otvoreni i nijednom svojom aktivnošću neće izbjegavati da jasno i javno saopšte svoje stavove i razloge za sopstvene odluke i ponašanja.
2. Prema zahtjevima medija će pošteno i u potpunosti pružati informacije vezane za obavljanje njihovih dužnosti i neće pružiti nijednu povjerljivu informaciju ili informaciju koja se tiče privatnog života izabranih predstavnika – vijećnika ili trećih lica.

3.6. Odgovornost

Član 9.

1. Izabrani predstavnici – vijećnici su za svoje odluke i aktivnosti odgovorni i sudu javnosti i biće uvijek spremni da se podvrgnu bilo kojoj vrsti kontrole koja odgovara njihovom položaju.

2. Izabrani predstavnik – vijećnik neće svoju poziciju koristiti za davanje prijedloga akta ili insistirati na donošenju akta za koji zna ili je očigledno da je suprotan propisima.

3.7. Izbjegavanje sukoba interesa

Član 10.

1. Izabrani predstavnici – vijećnici će se u svakom slučaju pridržavati odredaba Zakona o sukobu interesa i drugih zakona koji uređuju nespojivost funkcija izabranog predstavnika sa funkcijom ili položajem u lokalnoj upravi, državnom organu ili preduzećima. U svim slučajevima nastupanja sukoba interesa ili nespojivosti funkcija, izabrani predstavnik – vijećnik će u najkraćem roku prijaviti takav slučaj i odstupiti sa pozicije.
2. Izabrani predstavnik – vijećnik će u svakom slučaju tokom vijećanja prijaviti slučaj sukoba interesa, ako se razmatra određeni akt koji treba da bude usvojen i po kome bi on, ili lice iz njegovog privatnog okruženja, ili pravni subjekt u kome ima finansijski ili drugi interes, trebalo da ostvari kakvu korist ili privilegiju i prilikom odlučivanja će se izuzeti od izjašnjavanja.
3. Izabrani predstavnik – vijećnik će se uredno pridržavati zahtjeva za prijavu podataka ili davanje informacija o funkcijama koje zauzima, zanimanju i promjenama u njegovoj imovini.

3.8. Upravljanje resursima

Član 11.

1. Izabrani predstavnici – vijećnici će sa najvećom pažnjom i osjećanjem sopstvene odgovornosti usmjeravati svoje ponašanje i odluke koje se odnose na finansijska sredstva i upravljanje imovinom općine, isključivo u skladu sa propisima i općim interesom. Svojim ponašanjem neće dati povoda, niti aktivno ili pasivno učestvovati u pripremanju ili podsticati donošenje nepravilnih odluka koje bi mogle donijeti lične koristi ili ostvarenja nečijeg privatnog interesa sa kojim su povezani finansijskim ili nekim drugim interesom.
2. Izabrani predstavnici – vijećnici će se uzdržavati od svih akcija koje bi trebalo da rezultiraju izborom, imenovanjem ili postavljanjem lica na određene pozicije, a da se pri tome ne sprovode propisi, ne obezbijedi postupak otvorene javne konkurencije, nezavisne provjere i poštovanja principa kvaliteta, profesionalnosti, znanja i sposobnosti.

3.9. Uzajamno poštovanje i uvažavanje

Član 12.

1. U međusobnoj komunikaciji i uopšte komunikaciji sa javnošću izabrani predstavnici – vijećnici će u svakom slučaju istupati sa uvažavanjem i poštovanjem, izbjegavajući korištenje izraza koji mogu vrijeđati ili omalovažavati druge ličnosti ili grupe, na taj način poštujući jednaka prava svih na uvažavanje njihove ličnosti i uvjerenja.
2. Poštujući obaveze izabranih predstavnika – vijećnika da su dužni prisustvovati sjednicama Općinskog vijeća i tijela čiji su članovi, a uvažavajući jedni druge, neće napuštati zasjedanje prije završetka a ni tokom trajanja, a da prije toga ne saopšte javno ili predsjedavajućem razlog

povremenog ili potpunog napuštanja zasjedanja. Ako su opravdanim razlogom spriječeni da prisustvuju sastancima ili sjednicama na koje su uredno i blagovremeno pozvani, predsjedavajućem ili sekretaru Vijeća će saopštiti te razloge, a on će Vijeće, tijelo i forum obavijestiti o razlogu izostanka pozvanog vijećnika.

- Izabrani predstavnici - vijećnici neće bez opravdanog razloga izostajati sa javnih manifestacija ili javnih skupova na koje su uredno i blagovremeno pozvani u svojstvu izabranog predstavnika. O razlozima eventualnog izostanka blagovremeno će obavijestiti organizatora manifestacije ili skupa.

4. SVEČANA IZJAVA

Član 13.

Izabrani predstavnici – vijećnici prilikom preuzimanja dužnosti daju svečanu izjavu kako je to predviđeno Poslovníkom i potpišaće posebnu izjavu o prihvatanju i obavezi poštovanja ovog Kodeksa.

5. PRAĆENJE PRIMJENE KODEKSA

Član 14.

Izabrani predstavnici – vijećnici se obavezuju da će svojom posebnom odlukom obrazovati posebno tijelo koje će urediti mehanizme nadziranja primjene ovog Kodeksa.

6. OBJAVLJIVANJE

Član 15.

Svojim aktivnostima izabrani predstavnici – vijećnici će obezbijediti promociju ovog Kodeksa u javnosti i medijima i staviti ga na web stranicu Općine.

Član 16.

Ovaj Kodeks je na snazi danom donošenja, a objaviće se u “Službenim novinama Kantona Sarajevo”.

Broj: 01-01.2-1932/09.
Hadžići, 26.02.2009. god.



**PREDSEDVAJUĆI
OPĆINSKOG VIJEĆA**

Jazid Bajrić

Bosna i Hercegovina
Federacija Bosne i Hercegovine
KANTON SARAJEVO
OPĆINA HADŽIĆI
- Općinsko vijeće -

Na osnovu člana 24. Statuta Općine Hadžići („Službene novine Kantona Sarajevo“, broj: 15/09), člana 86. Poslovnika Općinskog vijeća Hadžići („Službene novine Kantona Sarajevo“, broj: 15/09), Općinsko vijeće Hadžići na 11. sjednici održanoj dana 22.10.2009. godine,
d o n o s i

ODLUKU

O izmjenama i dopunama Kodeksa ponašanja izabranih predstavnika – vijećnika Općinskog vijeća Hadžići

Član 1.

U Kodeksu ponašanja izabranih predstavnika – vijećnika Općinskog vijeća Hadžići („Službene novine Kantona Sarajevo“, broj 7/09), dodaje se novi član na mjesto člana 13. Tako da član 13. glasi

4. SANKCIJE

Član 13.

Za povrede odredaba Kodeksa Vijeće izriče sljedeće sankcije:

- **UKOR** koji se objavljuje na sjednici Vijeća,
- **UKOR** sa objavljivanjem izvještaja i Odluke u javnom glasilu.

Član 2.

Član 13. postaje član 14. i tako redom do kraja Kodeksa ponašanja izabranih predstavnika – vijećnika Općinskog vijeća Hadžići.

Član 3.

Ova Odluka stupa na snagu danom donošenja, a objaviće se u „Službenim novinama Kantona Sarajevo“.

Broj: 01-01-2-8448/09.
Hadžići, 22.10.2009.g.

PREDSJEDAVAJUĆI
Općinskog vijeća Hadžići
Hazić Bajrić

